


0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28



浙江圖書館



浙江圖書館



浙江圖書館



浙江圖書館



皇明名臣琬琰錄卷之七

文安王公傳

東園張公傳

文僖倪公墓誌銘

文僖黎公行狀

禮部尚書童公墓誌銘

樗菴謝公墓誌銘

安簡王公傳

禮部尚書朱公墓誌銘

瑯琊

王世

貞續編



陳敬宗

黃璣

劉珣

李東陽

倪岳

林瀚

馬廷用

費寀

浙江圖書

文肅吳公傳

汪佃

文莊邵公神道碑

楊一清

文懿章公墓誌銘

羅欽順

文恪楊公行狀

孫存

正治上卿沈公墓誌銘

文僖顧公墓誌銘

孫承恩

午塘閔公行狀

素煒

文恪孫公墓誌銘

李本

浙江圖書館

資善大夫南京禮部尚書謚文安王公傳

慈谿陳敬宗撰



公諱英字時彥別號泉坡其先太原人祖宗達宋迪功郎
仕于臨川遂家金谿曾祖順貞元季以書經魁江右入國
朝退隱于家祖子岱父修本並以儒行稱母曾氏公生十
一歲而失怙母淑人以教以比遊業邑庠刻苦嗜學登永
樂甲申進士第時太宗文皇帝方銳意育才命翰林學士
解縉選進士穎秀者與狀元曾棨等通得如二十八宿人
之數俾盡讀文淵閣古今書作為班馬韓柳歐蘇文字命
大官日給珍饌月賜燈油之貲數召至便殿問以經史諸

子故實或至抵暮方退公在二十八人之中每為儕輩所
推讓後上以綸綽事重以公與今冢宰王直皆慎密可與
任並揀入秘閣書進呈機密奏疏歲戊子預修太祖高皇
帝實錄丁亥授翰林修撰扈蹕巡狩北京丙申陞翰林侍
講戊戌實錄成賜襲衣絲緞紗錠壬寅胡寇犯邊二月上
親征公扈從至閣藥見海五月旋師過威虜鎮李陵城已
四十里上召公曰聞李陵城有石碑可往視之復遣錦衣
衛官校隨之以行時城中被虜殺掠燒毀一空惟城北門
有石出尺餘拙土抵磨觀之額曰李陵臺驛令謝君德政
之碑其文畧可讀其陰刻達魯花赤等官姓名明日公備

奏其故上曰此碑旣鐫有韃靼姓名異日胡虜見之必以此地為己物爾宜再往擊碎之用火燉沉之於河以絕其爭端公如旨而往旣還奏上喜謂公曰秀才是二十八人讀書者朕需爾為用正好宣力勿憚勞苦因問曰朕率師伐虜爾試觀成功何如公對曰胡寇犯邊罪在不宥但聞天兵親征必遠走漠北臣願陛下幸毋入險窮追也上笑曰朕為天下國家計秀才之言之惟不欲窮兵黷武耳復謂曰凡軍中一切動靜或謠言之類爾有所聞即來密奏又諭太監益驥曰秀才有事即令入見毋阻六月上駐驛安平鎮立功官軍因有過不與口糧者多相聚悲泣曰吾等

糧盡必死道路矣公以為言且曰此皆壯士也願陛下宥
其過而與之恩則異日必得其死力上悅即命兵部尚書
李慶人給口糧并載衣甲驢一疋甲辰上復親征胡虜還
次榆木川晏駕時仁宗皇帝在東宮命尚書蹇義夏原吉
學士楊榮楊士奇侍讀王直與公同定喪禮議國政宿內
閣凡七日仁宗皇帝嗣位加恩賜白金絲段八月進秩侍
講學士尋陞右春坊大學士兼翰林侍講學士明年乞歸
省賜鈔二千緡俾馳傳而還宣宗皇帝即位嘗召入便殿
謂曰洪武中學士有宋濂吳沉朱善劉三吾永樂初則解
縉胡廣俱有重名念汝當講經史陳道義以啓沃朕心罔

俾前人獨專其美賜內醞及鈔千緡命入內閣參預中秘
嘗奏乞分俸養母于家上允其請宣德庚戌脩太宗仁宗
兩朝寶錄成賜白金絲幣襲衣陞詹事府少詹事兼翰林
侍講學士復賜金相琥珀麒麟帶壬子正月聞太淑人曾
氏喪上命禮部賜祭工部造墳遣中官阮童護公奔喪冬
十月奪哀還朝寵遇日隆不時召對正統開經筵公間為
講官陳說詳明於文義之外多有規諫之語其講章於朝
退之際人爭求去以為珍寶脩宣宗皇帝實錄與少師楊
士竒楊榮同為總裁實錄成賜白金百兩絲段鞍馬進秩
禮部左侍郎兼翰林侍講學士癸亥正月奉旨出理部事

講官如故乙丑測江台寧等府民遭度死甚衆上遣公齋
香幣往事南鎮以禳民厲時浙間久旱公至紹興大雨水
深二尺灌猷之夕雨止星見明日又大雨田野沾足人皆
喜曰此侍郎雨也布政司使孫原貞等陪祀請作御祭應感
記刻石于廟而還丙寅公奏京師去冬少雪今年自春徂
夏雨澤不降種不入土小民缺食此皆臣等政事不修激
怒上蒼所致伏望陛下施賑卹之思臣等宜益者愆戒飭
仍乞齋沐祈禱以格天心上從其言果大雨五日先是公
奏請致仕不許至是年七十復上章乞罷政吏部言公精
力未衰上是其言不允戊辰八月上特旨陞公南京禮部

尚書明日謝恩畢內傳旨曰上以鄉名任先朝多效勤勞
陞秩南京得安佚既視事南京三年得疾而終是為景泰
元年五月十七日也春秋七十有五計聞上悼惜賜文謚
安命禮部賜祭工部造墳公在翰林屢為會試考官海內
名士多出門下為文章典瞻朝廷制作經其筆居多四方
求金石銘誌碑記者接踵其門公酬應不倦詩歌字書人
罕能及論曰撫州多名儒顯官若宋之晏殊王安國元
之吳澄虜伯生諸君子其文章名位功業皆炳然當世而
垂耀竹帛者豈偶然哉玉筍寶蓋諸名山秀氣之所鍾也
公亦撫之人也其文章名位功業莫不相似然自入仕歷

官通顯不離朝廷四十五年而列聖眷遇久益不衰於此
則似過之矣天之生賢私於撫之人哉抑孰知公之才德
自足致身於青雲之上也

浙江圖書館

資善大夫南京禮部尚書東園張公傳

臨川黃瓚撰

宗伯張公名惠字迪吉號東園山東德州人也家世以農
為業祖考明遠祖妣蕭氏考彥祥妣袁氏公幼聰敏厚重
孝親敬長異於群輩少長拔入泮庠親師取友克勤於學
以孝義見稱于人嘗以祖塋去家五里洪武初遭兵燹被
寇暴露累年惑於術士未嘗脩葺時公尚幼永樂十二年
中試鄉舉歸即為鄉里曰祖宗荆榛歲久為子孫者安忍
而不修築耶遂不用術士不擇日期以一身任其吉凶冬
月跣足披髮如初喪時授都察院司務升監察御史南京

光祿寺少卿進鄉升四川布政使往回故里躬謁宣聖畢
必至祖塋親操鋤鋤增築墳壠日晡方回親戚隣里就塋
所一會不於私家宴樂每日飲食皆在墳所亦無卓橙就
地而食嘗泣而言曰吾祖宗在於地下吾安忍肥甘華美
為已樂哉其孝義之誠如此為司務時本院歷事監生八
十四名喻之曰幼學壯行當以名節自勵豈可銀綵求考
中公喻之曰幼學壯行當以名節自勵豈可以賄賂執津
等度不可干寘銀段公家而去次早公趨朝具奏各生發
口北克吏由是名譽著聞升陝西道監察御史巡按雲南
有御史張善福建人也病於池州公思其病必重乃至察

院覩之病舉亟矣遂留以視之日晚散步門僕曰此處有
妖蛇來時如風声公曰來時可報我知門僕俱且傷已不
報公責之一日報曰來矣公乃挾弓矢出門至堦下望蛇
連發數箭盡而蛇不下令僕隸取席薦於樹下焚之良
久蛇墜樹而下声如倒墻公乃圖官得其人妖不害為今
縣妖有蛇必非良吏也召貴池縣官筭之過沅陵見居民
被火延燒數百家皆云有惡鳥嚙火公恠即為文檄賊隍
神責之翌日惡鳥死於江是年六月至雲南有土官巡檢
楊琳王貴害衆奏准行提不至公巡行至大理府琳等以
銀四百兩金八十兩來覬公歆擒之謂曰此地曠野恐被

劫掠兩不得濟汝可送至布政司庶得兩全彼果從命送
至安寧州人謂曰汝等慙慙遠送可少停待以酒食命隨
行監生陳勛取廩米三斗與知州董福海辦酒款之至夜
二更琳等皆醉遂將原金連人解雲南正其罪黔國公沐
晟曰此夷害人多矣非公以法誘之豈能得哉有土人思
任發知賈千戶女色美來騰衝訪之贊以銀飾良馬數日
令人來娶千戶不從任發留騰衝彌月不去軍士惡其騷
擾声言千戶誘引外夷為姻千戶懼奏任發搶擄人口侵
占中國勅公同三司總兵官体勤征勦公曰山險路狹非
用兵之所且所為因賈氏女無反情衆從之罷征止委頭

目守脩要隘民皆舉手讚曰吾輩得免征役皆侍御張公
乏力也所屬有黑白五井鹽果司官吏灶丁弊多皆公立法
禁治人以為便宣德壬子春巡按浙江浙江東南都會事
務繁持憲者非防閑周密則無根之議興矣公謂欲濟其
流當其潔源下車即為文告于諸廟神祇誓以公正清白
存心凡察院舊役吏兵館僕盡令易去別選鄉民之朴實
者或直廳事或守門或監獄皆有定約不得相撓越論訴
之人俱要正身狀內指陳止告港事毋得泛引囂訟之風
十減七八至讞大獄人懷擬二公嘗用利鈎刺血以誓曰
如有私心神明是鑑囚徒見者莫不洗心不待考訊自招

狀罪當大比公盡心殫慮防禁嚴密懸榜之晨號稱至公
今之廊廟方岳者多是科之士矣其各司所差吏胥董事
於府州縣者亦令赴院附簿依期回銷包苴賄賂頓為衰
息又諸司及差來人員多於民間和買貨物公察知之即
今仁和錢塘二縣置簿稽考自是市無和買之害嘗按臨
嚴金等郡見其民習僧尚怪以端午泛舟公出令禁之又
杭人信浮圖死喪貧者多以火化亦有惑於風水不利經
年暴露者公甚憫之乃召里老曉諭各令其子孫收塋無
主者令親故埋瘞不旬日無敢違犯察院中所種蔬果及
祭胙公簿於自奉必分賜養濟院至於按屬官僚不事竒

刻甚得大體其有為人論訴者則依法問擬不容少貸公
任御史八年適南京都察院奏南京光祿寺錢糧出入弊
多乞選廉能幹濟官員吏部以公及御史郭智推上公升
少鄉驛馳赴任時法度廢弛錢糧不清公即奏聞勅內外
守備官阮應等到寺盤點以虧折數目具奏寺丞董政等
百餘人俱發戍其肅衛公整理紀綱禁革宿弊大小不遺
又曰欲要正人必須潔己自是分毫不染日用飲食俱出
千家從西華門報進正統三年以母喪去官吏厨後八百
人告乞保留守備襄城伯李隆奏聞奪情回寺十年給由
赴京遷本寺鄉尋遷四川右布政使貴州苗變總兵官龔

聚調川兵二萬人協勦遣御史成始終起調公以四川偏
近諸夷執奏未允適叙州界子山都蠻亂公即以其兵撫
平之十三年夏重慶大旱公甚憂之詢知軍民有未葬者
八百二十喪不能嫁娶者百餘人乃解衣帶服飾售錢分
給得銀四十七兩於是義士感奮爭出金穀助之不數日
男女劉時新李氏等感遂婚期而謝紳等八百喪皆舉越
三日雨又七日大雨是歲有秋公無嗜好朝夕自奉惟蔬
飯各一嘗以墨菜圖揭座隅期之終身又以寄蕭山魏文
靖公文靖復以詩有云卓哉同心友為圖遠相遣揭之以
司戒敢告鬼神知祭酒陳公敬宗亦云張公素心清如水

澹泊滋味長愛此公自筮仕以至布政二十年大臣薦之者十有三疏遣使齎勅召公還京景泰二年擢南京禮部尚書數年致仕瓚泰居司屬不揆庸淺謹述所知所聞并錄公所藏詩文凡若干集以為名公鉅卿秉筆者之觀採焉

浙江圖

浙江圖書館



浙江圖書館

資善大夫南京禮部尚書贈太子少保謚文僖倪公
墓誌銘

壽光劉珣撰

成化己亥三月十八日先生卒于金陵之正寢適冢嗣侍
讀岳歸者侍側既奉含歛如禮訖亟走京師以訃聞且言
臣先尚書遭際勞效乞如例贈謚以慰泉下詔特允之贈
太子少保謚文僖復遣官諭祭命有司營塋事爰是之士
胥嘆曰先生一代文人可惜可惜率緘詞致奠岳奉南京
少宗伯李立之狀徵銘于墓中序曰先生諱謙字克讓靜
存其號也正統戊午以應天府學生中鄉試明年中會試

中第一甲第三名授翰林院編脩時甲子歲旱奉命函香
 禱于北岳祭畢雨大降刻記于祠己巳九載考滿晉侍講
 復命使朝鮮與王國館伴侶和詩什甚富景泰壬申入侍
 經筵未幾改左春坊左中允兼侍講又召入直文華殿應
 制稱旨晉侍講學士仍兼中允甲戌克廷試讀卷官丙子
 修纂字通志成晉左春坊太學士兼侍講天順改元英廟
 復辟改通政司左叅議仍兼侍講遣祭遼荆楚府先生回
 晉學士戊寅今上皇帝復東宮位出閣進學先生日講讀
 于左春坊有大學諸直解己卯先生為順天府鄉試主考
 時勢家子弟不獲倖進誣以他事謫戍開平甲申今上皇

帝嗣位覃恩宥回值外艱守制于家成化改元上念先生
春坊舊人復學士職尋入史館修英廟實錄是年上疏乞
改南京頻行進禮部右侍郎復乞休致不已上憫其誠允
之己丑岳以秩滿誥進先生階正議大夫資治尹起為南
京禮部右侍郎丙申進聖節表陛見上眷注有加賜緋衣
金帶既歸進本部尚書先是先生以體豐得風疾至是增
劇復言臣疾殆不起不敢妨大臣位許之厥既得請卧病
于家幾一年醫療弗效一日呼岳曰啟于手予足視之予
全歸無愧矣若等免旃毋孤予地下之望言畢瞑目距其
生則永樂乙未十二月一日春秋六十有五葬江寧縣新

亭之原先生本汴人有仕宋者隨高宗南渡家浙之錢塘
 高祖諱徹肇啟慶源曾祖諱啟畜德弗施國朝洪武初徙
 實京師遂占籍應天府上元縣祖諱得潤考諱子安皆稱
 善人長者以先生貴累贈賢善大夫南京禮部尚書祖妣
 孫妣屠繼孫俱贈夫人配姚繼郭亦俱贈夫人側室崔黃
 子男四長郎岳姚出登進士累今官父子同仕翰林自先
 生而脩長過之為詩若文無忝家法次阜郭出已中京闈
 鄉試次黃出次澤崔出女一適舉人楊時敷孫男二嗚呼
 珮從先生後幾三十年每得雄文大作未嘗不再四嘆羨
 以為不可及蓋其平日於書無所不讀而造詣精深故形

於制作自然成章四方有求者揮筆立就人莫能撓其鋒
一時文名先生為重且天性孝友襟度坦夷自筮仕以至
蓋棺顯庸不一中罹誣毀卒無怨言君子曰犯而不校先
生有之然其初生也即異雙目如電體有四乳八九歲時
日記千萬言手所鈔錄終身不忘時稱竒童故其童之所
就如此惜其久處翰林未獲柄用晚升宗伯所司者不過
札文天下之人徒知先生之文而不知其有經濟之才也
所著有遼海編上谷稿玉堂前後稿歸山稿南宮稿各若
千卷藏于家銘曰天生異表世號竒童亶人之英兮佩孝
服友稽古驗今咀理之深兮榘桶其材江河其思其疇若

類兮珠玉其什雲漢其章其作之良兮一策逸袞首甲探
卷瑞邦家兮玉堂彤管袞襮鉞誅直華不渝兮青錢之選
青宮之輔粵秩之信步兮經帙說書京闈主文維正之是
遵兮截七讒夫造誣造愆命則然兮如鑑之垢如日之蝕
終則日兮綸音載徵儀曹載履吾何怯于彼兮著述孔富
名譽孔播時何多于我兮階已峻而澤未敷惜用之遲兮
亦既辭祿亦既不祿嗟去之速兮錫誥及勅賚非與金生
疊沐恩兮如贈及謚莖與祭沒實無愧兮於惟先生神也
上征照為文星兮於惟先生鬼也下藏百葉不忘兮

榮祿大夫南京禮部尚書謚文僖黎公行狀

長沙李東陽撰

我先生黎公諱溥字太禛學者稱為學菴先生世居岳之
華容曾祖元勳出繼茹氏後為黎姓考斌宣德間舉楷書
為寧縣丞有德政民建祠祀之先生資稟特異少篤學肆
力諸經又從父宦游歸與兄資深相師友為縣學生景泰
丙子舉湖廣鄉試天順丁丑舉進士第一授翰林院修撰
有言官被謫者先生以書抵當道勸留之當道曰被言涉
我輩柰何先生曰正以涉公故須當留之乃見盛德耳當
道不能用然心實重之預修大明一統志誠賜金幣笑未

同考禮部會試憲廟卽祚充經筵官講成化丙戌滿九載
遷左春坊左諭德供職如故丁亥修英廟實錄成進左庶
子賜金幣及宴有加辛卯上疏乞歸省賜寶鏹為道里費
甲午命考順天府鄉試有試卷竒甚後場不類疑有弊勾
稽墨卷果得謄錄生截卷狀移簾外按其事而取是卷為
解首則名是馬中錫也丁酉修續資治通鑑綱目成遷詹
事府少詹事兼侍讀今上正儲位日侍講讀戊戌克殿試
讀卷官會天下鄉試錄多舛繆或犯國諱先生摘奏數十
條下禮部翰林議治考試提調官罪且申定格例行之至
今擢吏部右侍郎持法堅正有請屬者笑應之然竟不行

聞人有玷行雖所甚愛必加摧抑不曲為庇護下至胥隸亦畏憚無敢犯權貴用事者勢甚熏灼先生律己待物不通饋問卒亦無他凡內批事翌日部大臣必陞陳補奏時除授寢廣有諷令勿奏者先生曰此祖宗故典所以防偽遏姦某不敢廢諷者色沮久之竟停陞奏而先生亦改南京吏部丁未滿九載遷左侍郎加正二品祿今上始擢為南京工部尚書尋改禮部上疏陳正風俗革奸弊諸事多見施行辛亥以未疾乞致仕詔可仍賜誥命歸一年壬子四月十八日卒距生永樂癸卯十月二十九日壽七十朝廷賜謚曰文僖遣官諭祭命有司營塋事先生性耿介寡

合重修尚節痛違祿養極嚴廟祀兄嫂卒其孤民猷及女
皆幼育為己子遇二季沾滄無間言山東按察副使董國
噐妻死而董使邊未返先生屨省至臨清使携其柩以歸
太常鄉余孟亨卒家貧不能舉先生倡諸鄉宦合贖贈俾
襄莖事鄉吏鄧祿寓銀數十兩後祿死藏所寓物十年俟
其子長乃還之居官儉朴不受私餽尤慎形迹事涉矯託
輒窮本末必暴白乃己人有過必面質或弗能堪然底裏
洞徹無毫髮留匿人亦亮其無他弗憾也嘗患鄉俗侈躬
身裁損婚葬飲宴稍示節度多視以為則所居黃洋渡積
潦病涉損私帑築隄四十丈民甚利焉先生於書無所不

讀為詩文典贍雄偉成一家言有龍峯集若干卷楷法遵
整自習業至公牘連篇累帙多不可紀數教法詳備日疊
不倦凡所汲引陶鑄登甲科仕中外後先踵接至不能相
識胥史嚮學輒優給後俾圖卒業舉鄉試者四人舉進士
者二人教子尤屬不假辭色子民表舉甲辰進士今為戶
部主事民牧舉庚戌進士民猷亦舉鄉試皆為始有外傳
焉配金氏累封淑人贈夫人有賢行先生卒子六先長民
牧次民表次民秉金出次民安國子生民俊民信皆側出
女四人長適荊州府學生張某次適鄉貢士程鶚金出次
適縣學生羅熺次在室側出孫二循章女孫一許聘劉某

某年月日塋黃湖山之原金夫人祔嗚呼先生清德重望
登甲科躋台鼎保身完名饗有壽祉延于後嗣誠可謂一
代偉人矣其所樹立要不可使磨滅非託于當時名筆將
無以為後地東陽自童中執經史領教佩服得垂四十年聞
訃驚恒不能拜哭于几筵之下為終身痛謹撰述平生事
行及爵里卒塋以備採擇惟諱先考同未敢與直書徒恃
先生名在天下有不待于書者挂漏之罪固有所不敢避
云嗚呼痛哉謹狀

資政大夫南京禮部尚書贈太子少保童公墓誌銘

錢塘倪岳撰

弘治丁巳秋南京禮尚書童公秩滿三載以疾弗任朝謁
具疏懇乞休致上不許至冬復以為請詞復加切乃許之
特賜誥追贈先其明年二月十日又九日以疾卒于所居之
第訃聞上悼惜贈太子少保賜祭于家者再命工部啓其
配陳夫人之寔合葬焉公既卒越四月季夏乏望遺復生
子治以公命名曰紫芝墓且有期稽勲陳郎中鎬於公世
通家乃告予必得予銘公墓而後葬惟天順癸未予忝科
第公寔司考校顧以鄉後進在門生之列其敢以不文辭

乃取通政夏叅議崇文所述狀序次之按狀公諱軒字士
昂姓童氏世為鄱陽文北鄉漳潭里人曾祖元愷姚孫氏
祖金友妣章氏考碧瑄號玉壺妣章氏陶氏自祖以下皆
以公貴贈資政大夫南京禮部尚書妣皆夫人童本儒族
至玉壺以精天官學永樂初召充欽天監天文生尋命入
文淵閣纂修天文諸書三子皆留於鄱後家南京秦淮之
西生公幼穎敏異常見讀書目成誦玉壺乃召其仲子惠
來繼役而一意教公俾攻進士業博學篤行文譽日著選
充應天學生領正統丁卯鄉薦登景泰辛未進士拜南京
吏科給事中公思舉諫職深居簡出不妄與物接嘗上疏

言者冗員公考察倡武勇擇師儒杜倖進卹京民又言南
京糴貴民多死請命官賑貸俾御史體察多見採納乙亥
秩滿三載得賜勅贈封其父母妻如制時詔南京守備採
辦翠色魚鮓諸物以萬計公極言止之及英廟復辟覽公
所奏加其敢言尋上疏言弭盜安民數事尤切時弊天順
戊寅冬劾戶部張尚書鳳下獄其詔宥之明年丁嫡母章
夫人憂辛巳服闋改戶科給事中癸未同考禮部會試精
於校閱時稱得人甲申憲廟踐阼公首上疏言帝王之治
在先本而後末隆聖德用賢才納忠諫愛小民謹邊備之
謂本而簿書刑名其末也願時引儒臣講求祖宗謨範及

古帝王脩身用人之旨著為大明一經推而行之則聖德
隆命在廷三品大臣歲舉堪任方面一人且嚴連坐之法
進用大臣亦召三品大臣於便殿各舉一人以對俾科道
糾其非則賢才用臺諫之言賞其直貸其過則忠諫納養
民之政在戶部凡奏報災傷卽加優恤則小民受多方求
將歷試所長文武有犯輸粟于邊則邊備謹上優詔答曰
朕覽童某所言有理修德用人納諫朕當自勉餘令諸司
舉行公又言漕河為官舟所阻請命大臣一人總其事仍
乞者貢舟而嚴禁之未幾四川盜作廷議招撫之策謂公
才識足任其事乃命公偕刑部朱司務貴奉勅以往公星

馳至蜀遍歷賊巢宣布朝廷恩威諭以禍福賊首王應高
等後先逡巡兇焰可畏聞公言皆羅拜乞生公召與同飲
食示以至誠賊出降者益衆皆慰遣之夏六月進都給事
中得便宜行事時賊首趙鐸等尤驍悍不聽撫諭遂復叛
去公偕鎮巡三司議分兵勦捕躬冒矢石斬獲無算奏功
還朝蜀人為班師圖以紀之必復言安盜賊有五去貪官
均科差觸逋負革總部者邊運而盜自息明年夏四川巡
撫奏賊猖獗遂歸咎于公致公重辟公曰某出萬死平賊
况有鎮巡三司奏功疏在盍取驗之一言不合甘心東市
之誅時議出師公曰賊已平奚用出師不數日捷奏至矣

果然猶坐公免官賴上聖明調浙之壽昌知縣己丑述職
來朝上疏自理廷議咸以為寬於是大宗伯姚公舉公學
行宜董學政乃擢公雲南按察僉事提調雲貴學校公務
敦教本精於考校隨才造就士風一變鎮守貴臣成敬憚
焉公復上言考察庶官宜廣詢公論作養賢材宜優待學
校於是巡按者交章薦公請加旌擢甲午秋召拜太常寺
少卿掌欽天監事公嚴考天文陰陽諸生旁搜博訪以為
用公僚屬之薦者曆紙之費夙弊一清累以疾辭不許丁
酉冬三載秩滿賜誥賜封其考妣及妻如制己亥夏進太
常寺卿仍掌監事教諭余正己奏言曆法之差上命公與

之考論不合公上言歲差置閏其傳已久我朝考曆制象
尤為精密雖日月薄蝕不無先後畧刻之殊

之異則以土有南北高下之別耳正己乃謂天地有自然
之冬至以至朔望置閏皆非人力可為是不知古人以數
求天之術顧以小智亂成式宜下之吏以正其妄從之復
正天下陰陽官納粟免考之非制壬寅冬三載秩滿賜誥
有學行端潔之褒贈封其祖考考祖妣妣及妻皆如制癸
卯春以疾乞休許之及歸南京蕭然一室不異布衣時有
所饋遺非知舊不輕接納縉紳聞而重之弘治改元戊申
會欽天監官以不職罷去衆復以公薦命公仍掌監事夏

六月日有食之公言日食紀元之物當盛夏火旺之候宜
正心脩身以為取人之本格物窮理以為燭姦之要進君
子退小人以謹天戒尋辭掌天文舉吳昊張紳高鍾者以
自代是年冬復以僉舉進都察院右副都御史奉勅提督
松潘軍務兼理巡撫時蜀歲荒公至開倉賑貸設粥以食
饑餒給糧以歸流移平訟以決文禁先是逾月不雨公至
而雨亦沾足公乃為禁令三十餘事皆安邊保民之政次
第舉行復以南路鎮番一帶苦於蠻夷出沒歲減軍糧以
備犒賞軍多逃亡公奏以四川官帑銀布代之兵食以足
公復以其地險遠蠻夷雜處䟽言松茂威疊戍守甚艱

而疊溪一路尤甚以調兵設衛令一都指揮守之四處要
路各設一倉以便轉輸令一布政司官督察之復言沿邊
衛所州縣皆在萬山中與蠻夷共之闕堡之設有害而無
利宜損松茂之中羊腸一逕之路則闕堡倉廩可省兵無
遠戍之勞民免艱運之苦蠻夷有坐困乏机凡八害三利
畫一以聞事下所司議不果行嘗創兵給諸闕堡以為禦
敵之具薦雲南按察使林俊可任都憲復上章諸老不許
辛亥春召還未至擢南京吏部右侍郎癸丑冬䟽言臣年
六十有九入仕四十年禮宜致仕不許甲寅夏進南京禮
部尚書二年三䟽懇求致仕皆不許且有操履清慎方切

委任之諭公感上知遇前後力陳數千言皆軍務之國其
言朝廷大政事闕門一時之議不足以決是非宜如古者
公卿大夫各得獻其所議以俟上裁此最近古而格於近
制亦不果行丙辰冬夫人陳氏卒時淑人授封者例無葬
祭公以為請詔禮部賜祭于家工部為營兆域盖特恩也
及公卒工部復請請如 今官之制遣官為之增修云公
生以洪熙乙巳月日享年七十有四配夫人陳氏無子側
室李氏生女一曰靜娥適錦衣舍人黃璋蔡氏生子郎一
紫芝塋以卒之明年月日墓在都城南鳳臺岡之原嗚呼
天之賦公質清氣粹平居癯然若不勝衣而強學好問至

老不倦蓋公少有竒志讀書為文淵博雄麗詩有唐人體
裁足以名家書學之精晚亦迺勁為時所重性篤孝友既
入仕二親已沒事嫡母夫人克盡子職分祿以養兄嫂撫
其姪霧以及諸孫應禎輩皆有思故舊貧乏均為資給未
嘗有闕然於物一介不苟取至其自奉蔬食飲水泊如也
廉勤慎密無愧古人而今不可作矣惜哉所著有清風亭
藁枕肱集海岳涓埃諭蜀藁籌邊錄夢徵錄各若干卷藏
于家銘曰先生之生川岳鍾秀沒為利宿先生之仕卓乎
兩京于蜀再行先生之學盛唐之宗灑乎清風先生之操
貞女之縈終始一節猗歟先生屢䟽屢留皇眷之優天下

珠璣
懋遺溘焉上征吁嗟先生邱典之頒逾常于制九泉之賁
焯行著辭以識其藏鳳臺之用



浙江圖書館

資政大夫南京禮部尚書樗菴謝公墓誌銘

閩林瀚撰

資政大夫南京禮部尚書謝公以弘治十五年壬戌夏五月八月己卯卒于官予馳奏以聞朝廷特命進士某往營塋事部屬郎中李哲翼喪舟以歸江西布政司官諭祭示家卹典可謂隆矣其孤琪環衰經奉巡撫南畿都察院左副都御史安成彭公彥恭述所行狀來請銘拜且泣曰先子於先生為久交惟茲墓石敢託銘之用垂不朽予自公歿後感故舊凋謝恒悲不勝握筆輒廢者屢矣公諱綬字維章姓謝氏別號樗菴始祖惠鄉為臨川內史靈運之裔

自樂安洙源遷于龍岡居焉祖永昭初以子貴封南京吏部郎中考諱輔仕至浙藩方伯俱以公貴贈資政大夫南京禮部尚書祖妣袁繼徐妣余先室姜俱贈夫人繼室揭少司寇公女封夫人公自幼器度不凡少長嗜學嘗從彭儀制文思二先生授春秋得其要領文名曰彰景泰癸酉甫弱冠郎舉于鄉明年登進士第拜工部主事治河防於臨清天順戊寅三載績成改刑部進員外郎郎中諱以讞獄公明著聲成化丙戌擢四川右叅議平崇彭寇後當道者薦公領勅督理邊儲而軍餉以充戊子連遭二親喪宅憂于家哀毀骨立祭塋一禮不苟服闋改廣西適荔浦徃

獐蠹起公奉巡撫宋都憲檄率師討之合圍賊巢于桂山
岩同事者歆槩屠之收功公力排群議招來其協從者歸
農全活七八伯人由是叛者相率納款遂請至永安洲治
之事聞于朝有白金綵幣銀牌羊酒之賜尋陞陝西右叅
政屬歲大侵餓莩盈野公廣設方畧循行賑濟民困漸甦
復於鳳翔通引河流分漑諸縣西民德公樹碑紀績升吾
閩按察使風裁凜然振于一方尋進廣西右布政弘治庚
戌轉雲南左布政使在二藩皆以仁厚為濟民所懷是年
擢都察院右副都御史奉勅巡撫湖廣兼贊軍務時荆王
見滿不檢事露詔公竅實竟以嚴正置之於法不貸新建

諸王公殿工費不貲有司皆以匱乏為慮公裁處有制事
集而民不告病焉苗寇戕土官而奪其印公躬督將士擒
首惡追還之封境以寧貴州軍儲告乏守成議欲陸運戶
部咨公開高監助給公度陸運病民召鹽商緩期乃發工
價節近地糴糧資之遂足湖藩水道及永道榔桂諸州兵
備舊無風憲專官公䟽增置各一員又嘗請立張橫渠祠
于郟修復胡安國祠于衡山其安民生而崇儒術也類如
此癸丑擢工部右侍郎乙卯改刑部丙辰遷左侍郎百工
以者而五刑以明多公佐貳之力也丁巳拜南京禮部尚
書首倡九鄉陳政數事多見采納既而上章請老勉留之

詎意一疾竟至不起士林咸謂哲人亡矣可勝悼哉公生
宣德甲寅三月十九日享年六十有九公事親篤於孝愛
處昆弟雍睦無間伯兄絃官至國子學正次紹尋甸軍民
府知府弟紳以孝行聞緝學進士歷官處州府知府致仕
凡五兄弟同承方伯公命人致一經在隱顯皆為聞人為
公交恭之益不可也子二琪環俱國子生女四某亡其婿
也孫男六鶚欽俱邑庠生釗銳鏊某其孤卜以明年癸亥
某月某日塋於某山之原蓋賜兆也所領誥詞有云性資
端謹才識優長操修罔間于崇卑譽望久隆于中外玉音
如此褒嘉非公孰克當之公心行淳實在官惟俛修職業

不炫美納交以求人知故中歲棲遲外藩者以是晚登八
座歸然為國重臣者亦以是彭公狀公志行如此可謂知
公之深者矣予與公同為文思先生門人同官兩京况先
侍郎嘗出守于撫受知方伯有素而環又嘗執經于吾門
青雲之交盖三世耳嗚呼是銘也可以不文辭哉紹曰維
已允修維人同求維敦行儒流維省臺著績朔南蒙休爰
登台輔秉鈞商周胡倚注彌隆而抱疾弗瘳殊恩追錫庶
職匪儔費茲玄石垂百千秋

浙

資政大夫南京禮部尚書贈太子少保謚安簡王公傳

西充馬廷用撰

公名宗彛字表倫別號守拙又號留耕姓王氏世為保定東鹿人先府君太保公景泰間內閣典機公侍左右家居朴素無富貴態惟從師讀書而已成化初兄弟拆居分所當得華魚悉讓迺兄就矮屋居鄉人義之成化丙戌羅倫榜進士授戶部主事才識敏捷出納有方見重于大司徒楊先生常以繁劇處之輒中公意一時僚友咸推服成化丁酉建議者謂遼東邊儲為權貴時利大壞請增郎中一員總理之立法之初銓曹難其人舉公當之奉璽書徃除

奸革弊場粟充裕官軍受實惠成化己亥建州夷數為邊

患搶掠人畜不可勝計朝廷命將出師征勦建州去遼東

計程半月皆為夷境荒險師行糧運最難設法飛挽時五

路兵不逸在在功成受知憲廟擢都察院右僉都御史巡

撫遼東贊理軍務既蒙重用盡心所事邊備先修官軍樂

業烽火頓息建夷自征勦後不敢入貢時時在邊竊掠防

守之間士馬疲勞糧芻之費無虛日適因朝鮮使臣來朝

至遼東左地名東八站建夷率衆要之掠其方物殆盡人

馬俱驚散國王耻之上表明其表其素與建夷無隙頃因

朝廷出師征討命彼出兵應援夾攻以此結怨致有今日

之辱請朝廷討其罪當道者請勅遼凡差通政司訪其首
惡此罪之遂差海西夷首都督察安察齋檄入建州詢訪
各夷互推不認與同事者謀曰因是舉可以安吾邊彼雖
不認前日之事因而致其來送之朝廷之上不必當追許
其自然改過照舊入貢不愈于勞費衆財閑防乎同事者
皆懼而不敢為公曰萬一朝廷見恠吾請當之不累人也
遂達其情送十八人詣闕廷朝廷大喜處置得宜遂宣慰
聖恩晏賞加厚許其來貢自此東鄙寧息越明年忤于當
道諷言者劾以武備不修左遷四川布政司叅議公以仕
途升沉隱顯有定數處之太然蒞任清勤遇事敢為常視

本司篆剖決如流事無停滯自辰至巳一日公務率畢蜀人感之聲譽大振會松茂糧道為番夷所毀守拒芻糧不通分守將領藩泉二司無如之何當道以公熟闡邊務命里其司公預此賊非兵威不能致其來請以松州兵移疊溪成都兵移灌縣為夾攻之勢挫振之以身先入茂州比至諸夷聞之股慄各齎牛酒來服罪公歷數其罪且曰汝若不早來使汝無遺類道路仍命汝輩修之不完不汝宥咸諾而去詢日間修畢芻糧始通當道連章薦舉越明年轉汝南布政司叅政所至有聲時劇盜馬鳳糾衆近京劫殺人財朝廷命所司急捕不能得輔聞入河南為害公時

分守汝南百計尋襲卒命人擒之于道路置于法大患頓
除轉本司右布政方八閱月遷都察院右副都御史巡撫
陝西閩中天下重鎮公之先太保公舊撫鎮之地公至一
以先君是法陝人咸謂無愧乃等士夫且以父子相繼巡
撫一方先後為声如公父子此我朝少見越三歲轉兵部
右侍郎上封事此以密雲潮河川逼近京師通賊欲成橋
砌城防守上命公往視其可否及閱事一帶軍馬城池許
以便宜行事公編厯其地以潮河川流沙不能成橋以沿
邊不便數十事回京上云上特可其奏命所次第行之轉
本部左侍郎太保府景泰兼內閣輔道有功名望最重天

順丁丑為權奸誣陷公甫入官即以寬情上白憲廟素知其枉即復官賜祭至是又以贈謚為請辭意甚哀切孝廟亦預知其平生忠直為權臣所害贈以太保謚以毅愍錫以驚誥歲庚申北虜犯大同甚猖獗居戒一帶戒嚴朝廷以逼近陵寢為慮命公經畧彼處邊務面辭賜寶鏹三千緡時盛暑公遍歷黃花密云白羊口等處不張蓋不肩輿列一日中步履山谿陟險填塞脩築山缺添立烽候整飾邊備操練軍馬又于潮河川通賊大口設立大壑包砌垣墻為壘拒之計守邊武職中舉其堪以充將領此上聞皆擢之比回面見復賜楮幣三千緡歷九載簡在帝心特陞

都察院右都御史管院事先太保曾為是官振肅紀綱為
當代第一公又居是任父子相繼掌內臺尤為不多見值
遼東邊備廢弛虜賊猖獗肆為虜掠朝廷以公素諳彼處
邊務復命公提督軍務節制鎮巡官許以便宜從事公以
任大責重上章辭上曰鄉才識老成揀達邊務不允所辭
比行陞辭賜以白金綵幣及大紅織金豸服以寵異之公
至視其軍士艱窘請發內幣白金徧賞之以資軍裝復脩
馬市招朵顏三衛夷通貿易傳檄招海西建州各酋入見
諭以逆順禍福各夷素服公遂脩職入貢邊報頓息立夜
不收達出哨探振威武撫恤貧軍定以烽火則數邊人大

悅又上有益邊方八事上皆允而行之比回面見上又賜白金絲幣以旌其勞既而南京禮部尚缺員上特擢公以當是任又以便道歸鄉拜掃先隴為請上特允之又賜金錫五十緡以資路費公屢以年老乞休荷蒙先帝及當今累以溫詔慰留正德丁卯瑾賊擅權廷議數次會推公堪任兵部等部尚書皆不允且以不通宥見尤或謂公少通態慙以解福公曰得罪不屋吾節遂見行致仕公欣然歸田公生質清典雅才識名敏通變練達邊務熟知國朝典故遇事敢為年後八旬耳目聰明步履康健足以當朝廷重託雖吏部兩京科道連章奏薦公宜重用公樂于晚年

閒散杜門謝客手不什卷不願起云

浙江圖書館



浙江圖書館

資善大夫南京禮部尚書菴溪朱公墓誌銘

鉛山費家撰

公諱恩字汝承號菴溪翁其先汴之通許人宋南渡時流寓華亭之七寶鎮四世至士清公贅婿烏谿里趙氏遂為烏谿里人士清生孟庸封監察御史孟庸生壇號鈍菴仕至按察副使娶王氏封恭人有丈夫子六公其長也公生而穎異見時鼎對賓客既有成人志弱冠文譽蔚然傳誦公鄉間以成化甲午發解南省克養十年登甲辰進士第初授行人奉使得職例當擢臺諫時有追忌鈍菴骨鯁之風者乃不復置公此官遷刑部員外郎進郎中剛方舉法

無所撓於權貴徐駙馬都尉張昌平候家馮寵逾法度莫
敢誰何公獨洗磨王章持之如一匹夫上因切責二人以
伸公灑而公之望著矣平生好文比居官遜志吏事不通
問謁出入扃節門戶有閔門朱郎中之稱至聞於孝皇亦
亟稱問之馬端肅公時在吏部穩知公擢為其鄉河南按
察副使進按察使范文正公子孫在洛中者衰落不振公
為覆遺產數千畝立塋戶供洒掃簡其孫賢者主祀事加
廩祿焉范氏刻石家廟以頌其事中官廖監鎮河南以刺
舉剗制長吏而斂其賄遂至貪墨成風爭營賂以緩禍取
容公至盡縛墨吏民賴以安廖弟錦衣使者朋昵扇奸梗

壞明法人莫能撓惟公排之甚力廖深衿心將中傷之以
其持身之謹無隙可乘竟少輯以從公法時襄毅許公方
臥病於家欣慕風裁激賞無虛口後襄毅繼馬公冢宰念
公不衰因轉本道布政使部內有鑛利廖以竒羨可自豐
藉口足國啗當路請開之公抗章櫛其議有云金銀鉛錫
之利人所共趨公私相角其勢必爭往年山東之禍實起
於此河南切近燕趙聯屬京師其民雕旱少慮好任俠為
奸目無公法一基此禍其害不小殆非數十年財力所能
靖安也熟與罷之便其議遂寢河洛間得免禍釁公之力
也尋以資績見推擢南京都察院右副都御史巡視江道

祖行之日大梁人攀戀塞衢後猶負寃者猶思公之不可
復遭大江東連漲海不設閔隘海寇出沒無御人甚苦之
公首建更邏之令浚江要害置立水寨遠者相去不過五
十里埃堞相望分地而守互相應援又重立賞格人爭相
奮趨擒獲之利自是寇患漸息至今著為成令人猶賴之
繼遷南少宰進大宗伯公治洛之政防江之略經綸已著
風來在人才可大受而處南部無事之地人方望以公輔
未幾乃以中官劉瑾註誤去劉在微時坐法當死公辨其
誣出之劉至正德中遭握寵靈追念舊德欲推公要路公
不欲近之其勢方烈亦不敢絕之也臺官未明然公志劾

之以去公弗自辨識者無不稱惜公為政一以安民為主
鋤抑強梗臨事不懼然德器故長者樂易可親人亦不甚
怨之至其天資迅見事迎解法家疑擬多待以決宅心仁
恕寬獄多所平反謝政家居三十年未嘗言及寵辱惟搜
剔水石樹藝果蔬俯仰游衍清淨以樂天年或勸殖貲產
以道家之忌謝之性友愛篤至四弟早世撫其孤無異己
出諸少賴以成立無啁落者雖貴列三事未嘗以勢傲鄉
人訓子弟執禮於鄉長老維謹卒于嘉靖丙申十二月十
三日距生景泰壬申享年八十有五元配秦氏封夫人有
淑行子男二長警次晉俱國子生晉沒公月餘亦卒女二

長適張莊懿公孫都察院照磨豈次適陸冢宰公仲子中
書舍人修孫男一大觀答出也孫女三適張之化季間陸
光祚皆警出警卜茲戊戌十一月二十日庚寅葬公莘村
祖塋之次先時其猶婿選部正郎曉川張子以舉人徐獻
忠狀求余銘狀典核可信介以曉川其何能辭遂為次叙
其事以明公志夫惟醞得長者能道人於厚而不絕其向
善之幾故惡可化咎可避而小人之過不至於極若乃碰
硜然自暴其迹之迹之急而不虞己甚之乱將使盡天下
以仇君子古今縉紳之禍大率以此君子所不尚也如公
也者惟求諸心而不求諸迹取必於天不取必於人宜其

康樂壽祺以介景福而擊人無覈之思至其德度功美焯
著海內孚於君子感於丘民百世之下不患無知之者沒
可寧也繫之以銘曰風成維哲深蓄斯宏筮仕觀風宣于
帝庭載登秋署茂闡厥能桓桓執法上應列星人之所憚
我明貪黷旣汰斃黎乃寧猷之旣遠偉哉翰屏式典內憲
經畧有成大江東注于今廓清公座雖峻樞柄未加宜躋
要近而邀清遐我行弗曠遑恤其他公施于國慶流于家
溥風穆々培衍無涯百年之心百世之下其顯其幽有昭
監者



浙江圖書館

資善大夫南京禮部尚書贈太子少保謚文肅吳公傳

戈陽汪佃撰

公姓吳氏諱儼字克溫別號甯菴常之宜興人也少為縣
學生舉成化丁未進士改翰林庶吉士弘治己酉授編修
未幾克經筵講官兼司經局校書侍今上於東宮累陞左
春坊左中允南京翰林院侍讀學士尋召修國史克日講
官兼修玉牒逆瑾中傷罷歸瑾伏誅上念舊勞召之未行
陞南京禮部右侍郎內調尋遷左考覈奉命持節冊封益
藩道陞南京禮部尚書正德己卯五月十日卒於官年六
十三公初入翰林徐文靖公當國於公為舅氏公日侍公

右談文折義時事一不掛口獎訓士類如不及隨材指授
至匪人則絕不與通絰幄勸講每授古以諷丁卯主京闈
鄉試時逆瑾勢張甚仇疾縉紳公以為臣不易命顯意有
所規衆咸危之公不為動乾清宮災公在禮部首率諸司
抗陳時短大駕北巡懇疏請回鑾後聞將南幸手疏萬餘
以俟面陳未及上而歿居家養其尊翁懼甚寓京邸音問
方物時致不絕以每曠侍奉為歎及翁疾朝夕不離側湯
藥扶掖必躬視之翁素積厚公奉治命分授一無所私焚
券蠲通以成志遺多者至千金通公生與母徐淑人之卒同
日每遇是日必素食哀感比終不衰幼鞠祖母徐淑人徐

疾卽日告歸養未至家而卒哀悴過毀棄大事而後還朝
性嗜學公餘手不釋卷其名菴之義蓋有取爾也重購異
書莊誦精思嘗訓其子曰讀書須見諸事為實功記問文
詞殊非古人為學之意素好施予南院及禮部解字多公
捐俸所理宜興學宮壞首助百金倡葺之歉歲汴飢贍之
鄰里賴之遠及它境所活甚衆族人貧者割田假屋以處
業之同考禮部一主考京闈一所得多知名士初賜緋綺
再賜御製詩最後賜金緋三襲公佐禮部時已有去志請
老之章累上不得命反為尚書志益決章復累上溫詔慰
留竟不遂訃聞朝野嗟惜詔贈太子少保謚文肅所著有

代奕稿若干卷藏于家初娶沈氏贈淑人繼娶林氏封淑人子男三長驥廕補國子生次驟駟皆幼女三二適士族一未行公卒之明年驥狀公遺行來京師徵文鉅工銘幽堂表神道以永其傳而予與公同年舉進士同入翰林職史局供講筵寮友出入三十餘年詳公之素行及次其大節焯々可書者以附其家乘且使他日太史氏錄名臣有考焉贊曰公論讀書必欲實見諸行迹公生平宅心行已動有所本孝於家仁於族周於鄉而達於政皆鑿々有實效可覆則公之學可知矣然公歷事三朝荐躋八座可謂顯榮而議者猶以未獲究其用為恨盖公之所能為者人

也其所不能為者天也雖然即其所既立者亦足以昭天
下傳後世無疑也已

浙江圖書館

珠玑錄



浙江圖書館

南京禮部尚書贈太子少保謚文莊邵公神道碑

京口楊一清撰

錫山有鉅公家食為名士仕為名臣要其終為名儒日邵
公諱寶字國賢者予友西涯李文正之公門人也予以西
涯故獲好於公久乃益習晚年予謝政公歸侍養鎮常郡
相比歲時通問訊不絕然制於踪跡不及見去年嘉靖丁
亥予在朝忽得守臣報則公亡矣公世居無錫迓惠山惠
山傳稱天下第二泉也因號泉齋又曰二泉學者稱為二
泉先生文正公成化庚子主考南畿得公歸以託於予曰
吾得天下士舉甲辰進士出知河南許州能以札讓為國

所舉動多風化中事作新廟學諭諸生義利公私之辨及
忠孝大節聞者感動皆知慎其所自立次教之讀書為文
矩則許之文風蔚然改觀正頻考叔祠墓改魏文帝廟以
祠漢愍帝祠范忠宣公於襄城裴晉公於殿城毀龍骨杖
妖巫尤急民事躬課農種倣朱文公社倉立積散法行計
口澆田法為倫荒計釐正糧籍民至於今稱便徵為戶部
員外郎尚書委閱章奏進郎中太原周文端公華容劉忠
宣公甚器重之孝廟臨御諸公奏柳恩倖杜清求釐正度
支多公言是用章奏多出公筆以薦為江西提學副使至
則以身為教先行檢而後辭藝黜浮崇雅士類淳與修瀛

溪書院白於巡撫林公待用檄取濂族孫守祠改建白鹿
洞書院清學田定課程遠近向募遷浙江按察使慮獄囚
成豪惡殺人之獄出可矜疑者若干人正德丁卯遷浙江
右布政使進湖廣左布政使己巳擢都察院右副都御史
總督漕運時瑾劉用事公劾一無所通瑾卿之數令人危言以
撼之公不為動乃勒令致仕去庚午瑾誅起巡撫貴州尋
陞戶部右侍郎進左侍郎兼左命僉都御史督處糧運命及
會勘通州城壕歸奏俱稱旨先是公以母夫人老自為
藩憲時屢奏乞終養格於例為侍郎再乞歸養俱不許歸
省賜寶鏹四千緡以行抵家入跣終養始報可報得疾尋逾

年近六十朝夕侍親側承歡婉愉太夫人安其養年八十
餘壽終公養親之暇深居簡出入親書史以著作為事求
請者踵接於門碑版流播遍四方今上嗣極大臣言官交
薦公乃有禮部南京尚書之命公疏懇辭上稟以溫旨不
奪其志且令有司以礼存問待養終用之比終太夫人之
喪天子且召用公而公病不可起矣曾大父諱氏母某氏
大父諱鎬父諱溥俱累贈嘉議大夫都察院右副都御史
大母楊氏累贈淑人母過氏累封太淑人進太夫人服配
顧氏累封淑人生子男二曰德孫佛孫俱早卒今以族弟
之弟煦為嗣女三義官華眠邑庠生吳汝憲國子生秦文

其壻也。塋以某年月日。公居鄉厚。倫睦族。好爲義舉。里人薰而善良。顧自公視之。皆常行。不及書文辭典。重刊落華藻。一歸於純厚。詩歌出入唐杜間。樂府有漢魏遺意。所著學史簡端二錄。爲都憲吳公獻臣錄進。他如定性書說。漕政舉要錄。容春堂勿藥諸集。各若干卷。藏于家。其厄於火者。莫得而詳也。公生天順庚辰。卒於嘉靖丁亥二月辛未。壽六十有八。訃聞。贈太子少保。賜諡文莊。諭祭已壇。官爲營塋。域鄉大夫士共經紀其喪。中外縉紳交口惜之。今太子太保吏部尚書見山桂公子實與其兄子朴俱被公獎識。以天下士亟稱於人人。至見山爲撰墓誌。詒且告予。謂

宜書諸神道予曰諾乃為之銘曰明體適用惟公之學崇
本抑末惟公之教勤以傳事惟公之忠親以養終惟公之
孝教以學成孝忠一道胡閔其嗣不食其報惟所自立千
古有耀知己作銘以碑諸神道書

浙江圖

南京禮部尚書贈太子少保謚文懿章公墓誌銘

泰和羅欽順撰

公姓章氏諱懋字德懋世居蘭谿純孝鄉之渡瀆至公始
顯成化初翰林有四諫之稱公其一也其三人為吉豐羅
公倫莆田黃公仲昭江浦莊公梟羅公首上扶持綱常一
疏公繼草培養聖德疏偕黃公莊公上之所言皆切於治
化本原雖相繼外補而直聲大著士氣勃興至于今未衰
也四諫齊名而公最壽蓋享年八十有六官累進至南京
禮部尚書而卒其卒也制贈太子少保謚文懿賜祭與葬
卹典之厚近時所稀有也嗚呼是豈可以幸而致哉公生

正統丙辰天資穎異讀書數過卽成誦長益嗜學淹貫郡
籍尤深於易中天順壬午鄉舉為周易魁成化丙戌試禮
闈為劉文安公所賞識擢冠多士廷對賜進士出身改翰
林庶吉士文學益進丁亥冬授編修內閣循例課上元燈
火詩進呈公謂燈火非昭德之器詩賦非論思之業遂因
事納忠疏入忤旨調臨武知縣言官論救改南京大理評
事日取刑書及故牘玩之具得其要領每有論駁人服其
平滿三年得告歸省陞福建按察僉事毅然以振揚風紀
為己任嘗處番舶均田弛鑛禁假清軍以擒秦寧劇寇急
賑濟以離沙尤賊黨皆有實惠及民然事多掣肘不得盡

行其志殊不樂也滿考入勤遂懇致其事而歸歸則日以
娛親為事稍暇輒讀書楓山菴中從其遊者日益多隨材
誘引諄諄不倦學者因稱為楓山先生士夫道過蘭谿得
一見公無所不欣慰家居二十餘年所造益深侍從臺諫
交章論薦前後不啻十數存廟因熟公名辛酉夏特起公
為南京國子祭酒會遭父喪辭不拜上命復置司業攝學
事以需終制又辭不允乃赴任名高望重專尚德化寬大
中自有規矩諸生質疑請益無不響答或泛而不切務令
收斂近裏士皆愜服凡學政所宜興革者次第以聞率從
其請正德紀元陳言五事曰勤聖學隆繼述謹大婚重詔令敬

天戒皆切時務會逆瑾擅權紀綱日紊公深以為憂前此
嘗三疏乞休皆被溫旨勉留及滿三年以年踰七十連章
請老甚懇上乃從之瑾勢益張縉紳多被其摧折於是始
羨公之明決也庚午冬復起為南京太常卿辭辛未春陞
南京禮部侍郎又辭詔聽以侍郎致仕公乃受命今上郎
位言者請待公以異數特陞尚書致仕懇辭不允有學行
老成名實相稱之褒繼遣行人王懋齋勅存問而公已不
待矣疾且亟卧輿林守有年論天下事甚悉又與族子贊
論保國家長久之道於士會獨有取焉始終不辭卒之日
則辛巳歲除也公器度宏偉於人無所不容和厚之氣溢

於顏面與物無競好善有城居常無甚異同及臨事決議
援據精審確乎不易清心寡欲不事標榜有欲為之表宅
里築書院者皆力辭服食器用取給而已於書無所不讀
有所不合必折衷於程朱其精切之論門人董知縣遵記
之特詳皆可為法於天下事無不理會堯舜軍民之念每
惓惓焉郡守嘗以嚴冬集夫築堤捍江亟為書以天時水
勢人情利害白之守為立罷其役民間利病苟接於聞見
必以達之上官其誠心愛人如此為文章平正典實理勝
而味永遺文僅九卷門弟子於公卒後相與蒐輯以傳者
也曾祖諱叔良國初以人才徵辭不就祖諱邦和考申甫

志識高邁能豫知子若孫之當顯者以公貴封文林郎南
京大理評事加贈朝議大夫南京國子祭酒妣吳氏追贈
恭人配恭人郭氏善內助先公十六年卒所生三男振擴
捷一女適趙徹及孫男訢皆先卒曾孫男衢亦早夭有少
子接公卒時接方四歲從子大司空極以壬午三月癸酉
葬公長山之崗先塋之次墓石未蓋有待焉迄今二十年
接既長而能立且蔭國子生矣不朽之圖朝夕在念司空
以余嘗佐公於國學有交孚之雅乃具書及行述之俾來
謁銘大司寇唐公龍文從公遊復以書申致其懇雖衰鈍
不文然於義有不容辭者謹按行述取其始終大節序而

銘之庶以慰公於地下云銘曰儒有君子亦有小人奚名
為小見止其身物我天人渾然同體所見所存如公有幾
粵從辨志惟道是謀夙夜孳孳遑事遠遊博學精思貫通
以類義畫周經心領神會以動以言時止時行惡衣菲食
道則光明忠愛之誠形於初仕甫上鑿坡俄栖棘寺強年
秉憲皓首司成民懷士服有本之徵林卧日長不忘兼善
其進之難亦惟有見風聲所暨慕仰攸同庶頑立懦君子
之功言必有稽力扶正學寤寐程朱同歸于約龜聲紫色
惑世誣民公心如噎長嘔且顰聖主龍飛天明淑人慝座
之榮以彰有德璽書存問公已告殂載屋卹典蔭及遺孤

鐫石埋銘用垂永世孰不為儒惟公是視



浙江圖書館

資政大夫南京禮部尚書贈太子少保謚文恪楊公行狀

滁州孫存撰

公諱廉字方震姓楊氏號月湖一號畏軒世家豫章之豐城曾祖諱德義祖諱行素累贈南京禮部尚書父諱崇號復菴仕終永州知府累贈南京禮部尚書母劉氏累贈夫人公幼穎悟絕倫書過目即了大義復菴公嘗學於康齋先生之高第彭九韶其在桂林携公就學不令作無益詩文見異端書每令熟讀小學大學論孟中庸故公之學得於性理者自家庭始長游邑庠人咸器之成化丁酉舉鄉試第一戊戌下第築室城南授徒講學復菴大書時習二

字顏其堂以示警丙午修縣志成丁未魁會試進士改翰林庶吉士謝病家居庚戌除南京戶科給事中奏行後湖查冊法與部叅伍籍究根源弊盡革辛亥秋地震劾用事大臣薦張元禎吳寬李東楊王鏊劉戩日講大學衍義時論黷之兵部議武洪永樂年間黃冊公奏彼年黃冊不全暴之天下吏緣為奸但實查軍匠根源冊之祖也乞添造冊庫使稀架簿推以便揭查曬瞭制曰可壬子秋上六事一經筵停罷時月令講官更直以俟召問二詔用言事謫官不當限科拘年月三治蘇浙水患停織造四取道恬退林下之人曾經薦舉者五刪法司條例六災異策免大臣

末總言凡大政宜召大臣面議科道官隨入駁正癸丑夏
論吏部尚書王恕被誣朝廷宜斥遠讒邪優禮大臣且言
公卿中不可恕冬丁劉夫人憂丙辰復除刑科冬上章請
詞祀文清公薛瑄及取讀書錄貯國學以教諸生刊布天
下有旨准行丁巳春上章論經筵日講為格心之學宜以
一暴十寒為戒戊午春改南京兵科便迎養復菴公不欲
往乃移祿歸養冬雨上章論黜陟謂布政使周瑛按察使
周孟中僉事王鴻儒知府張吉知府王雲鳳俱政績有聲
宜照天順例賜褚幣宴禮部破格陞擢以收才望己未春
應詔陳四事其二事申明日講行義刑正條例前議其三

均節力役謂濟寧沛縣之間宜增立夫廩四申明祀典謂宋
儒周程張朱從祀之位宜居漢唐諸人之上夏上章論獄事
乞叙復楊茂元盛應期之凡徵稅則例鄉飲儀節悉加
裁定工部題准天下吏農所納銀兩類解本部補作正
德八年原派物料公速解補之後清寧宮災遂變初議
盡取前銀以給營造惟順天得免本府收開例等銀一
十二萬兩舊復秤過轉解公立法銀非五十兩之外不得
作二錠類解之時但積筭見數而已甲戌春應詔極言
主上當一於主敬以脩人事以弭天變奏入留中各屬歲
辦無定額作底簿弊無所容昌平縣歲辦不前奏欲

陞州轄密雲順義懷柔三縣三縣復奏不堪事下公議
乃均車輛十分之四於三縣使不致偏重釐各官馬夫之
銀於均徭使不得多取定陵戶貧富撥補之法使不得
影射俱著於令乙亥春畫太極圖於府庠北壁且著太
極圖記以迪諸生陞南京禮部右侍郎秋地震上章言
上下交修之道又論太廟祭祀已卯春上章論巡幸署
南京工部事繫襍著冬官舉要一卷冬聖駕幸南京
有旨百官茲戎服公奏諸臣僚冠服宜如朝儀更請謁
太廟俱從之自亥至己凡五乞休俱奉溫旨勉畱今上
登極用廷臣薦陞南京禮部尚書進太學衍義節畧

上以忠愛答之是歲再乞休雖優旨未允眷注方隆而
公引年益力上曰卿才行老成譽望素著新政之初方
膺委任累疏乞休情辭懇切特允所請駕敕給繹還
鄉有司月給米三石歲撥人夫四名應用茲歸其願神
保和以茂膺壽考著書樂道以潤色太平公感激泣下
歸乃扁其廳曰願保堂杜門謝事惟讀書教子而已居
官及懸車終日手不釋卷嘗聞晦菴劉公語人曰在仕途
肯讀書究理惟楊方震蔡介夫耳見素林公薦堪以輔
導東宮舉人劉君教謂公在諫垣章奏剴切南科年來
重如九鼎大呂以有公也林希元謂公之學門戶自程

淵源自六經權衡百氏低昂漢唐介溪嚴公謂公真積
實踐而不事文具潛心當世之務而不為空言高吾陳
公謂公天分極高雖於書無所不讀然居敬窮理精思
力踐則惟程朱之學為準故發於詩文閎肆辯博竟然
有餘莊嚴簡勁確乎不忒河東之後惟先生焉間齊
汪公謂公為伊洛之學居敬窮理老而弗懈為文章
必根於六經而多所自得於天下事靡不究心生民
利害之源吏治得失之故制禮作樂之要星曆筭數
之願具有本末東川劉公謂公詩文非但筆力追古
作者而議論皆有本源有關名教自當名家皆確論

也公天性孝交事親以養志為孝待弟姪如手足於
伯兄寬齋交愛尤篤家居終日萃聚坐話多至夜分
祁寒盛暑不輟也雅尚恬靜不逐時好位登八座淡泊
如帚布時素不嗜酒對客亦微醺而罷自處雖剛肅
望之凜然及至接人則從容和氣無少長皆使可親就
人在患難中者尤加意周恤癸丑大禮有舉子旅白
下者數病公朝夕往視及不藥具衣棺殯歛如禮其
子姓世講不忘與人講學旁引曲證務令得聖賢指
歸初為詩文出入古名家久之自成機軸鄉舉後四書
五經之外雖諸子百家無不折衷其說而一意程朱之

書畫誦夜思至忘寢食少未安反復根求必至於是而
後已大要以敬為主直欲體之身心而見之行事為迨尹
京兆災傷游至民不聊生人咸為公難之公左提右挈纖
悉畢舉其所罷行不獨可以濟畿內一時之急實可以布
之久遠焉者癸酉冬存北上陽明王先生附書抵公稱為
君子有用之學者以此平生著述有月湖稿七卷奏議劄
記家規新增伊洛淵源錄先天後天圖學考證太極圖纂
要分類程氏遺書外書二程年表西銘旁通皇極經世
啓鑰象山語類洪範纂要深衣纂要大學衍義節略
各一卷類有發明於志道者皇明名臣言行錄皇明理

學名臣言行錄各一部皆有補於據德者禮樂書選註
風雅源流唐詩詠史絕句白沙定山詩星畧算學發明
綴算舉例醫學舉要明醫錄各一卷皆有裨於游藝者
嘉靖甲申九月存自贛奔先人雙泉君喪謁公表墓時
已病猶力為之其表曰有本有末政教兼舉又曰惟知正
已不為詭隨其所許者皆所自得者也亦徵其雖病而
神定矣明年乙酉春正月存復有所請公答之刺末自
謂病作甚不能作書至亮之二字則若筆敗然此殆絕
筆也存得之悲公且不作矣三月公疾劇寃齋亦病猶
問慰不輟迨寃齋卒公不食不言者已五日公冢子畋等

不令知之忽有聞遂淚下痛呼諸子亟往治其喪禮謂吾
尚無恙也越十有三日畋等泣請後事乃徐言曰汝輩讀
書修行毋玷前人後後恤典自有聖制公論在行狀託行
性甫銘表請於羅整菴費鵝湖也言乞而逝距生景泰八
年八月十一日享年七十有四是日黃霧四塞人異之
高吾公方巡撫江西與御史秦公鉞具以訃聞上悼痛遣
工部司務范廷儀營塋命江西布政司右叅政馮公訓諭
祭二壇贈太子少保謚文恪公元配上坊陳氏封宜人贈
夫人先公卒塋陳埠公自誌之子男三長敏次旼俱二
室程出次張女一適邑乳沙湖國子生丁森俱黃出孫男

一女四畝敬邑庠生皆績學有文克敦孝友畝放咸老成
克家而敬之眸子精彩尤酷肖公物邑魏公者觀之世忠
可也嘉靖丙戌十二月二十二日畝等奉柩及遷陳夫人
塋於邑東銅湖之原其向非先是縣尹潘穎以公兆域久
虛上命請於高吾公委郡倅顧邦石臨地徹淫祠以治
墓秉正黜邪禮也又明年兆域成寘器垣居一如制嘉靖
己丑四月存取道豐城哭公於祠畝等泣躃述公遺命
以狀屬將持以求銘於整菴夫子先是正德丁卯公為
大僕其署在滁豐山之陽先君致仕家居一謁還即知
為吾道正派存也明年十七八遣師之朝夕趨文下受

周易太極西銘之旨公於門人中特與進之嘗親點攬其
文教之法且禁用六字艱深語曰文宜認理而闕殆存操
心危或有憂色公覺之又曰心常舒泰則身安外雖遇可
憂之事心則以理自寬方不戚書甲戌謬舉進士公在京
兆存仕禮部公在南都訓誨如在函丈時不倦也常語之
曰學者須有根本若根本不立則雖高才能文亦枝葉耳
終無用處又曰詩文雖不必番意至於吟咏性情發明道
理則亦何可廢哉嗚呼泰山梁木之音遠而心喪築室之
願違斯文之憂其何容已存嘗與諸生私議曰語云為文
不閔世教雖工無益也公之文其叙事核其立法典語用

必原其體語小必識其大其要歸於聖賢大中至正之道而不入於公利世俗之習可謂文也已矣子曰述而不作信而好古聖人之學且然况其他乎近時以道學鳴者泰然自處於程朱之上而考其所得則程朱蚤嘗學焉而竟棄之者整菴之所慨也公之學皆自孔門高弟之所傳授宋氏醇儒之所論著而得之體諸心始闕於言明其微不戾其本可謂願學孔子者矣先儒謂極大盡精而貫之以正者朱子也如公之道其立功也圖其大不謀其小其立言也造其精不涉其粗其五德也由乎正不入於邪可謂善學朱子者矣整菴夫子於國朝名儒如宋潛溪之禪孝

吳康齋之奏疏陳白沙之詩教薛文清之讀書錄丘文莊
之衍義補胡敬齋之居業錄蔡介夫之蒙引余子積之性
書王陽明之於象山湛甘泉之於楊子皆有所定評焉矣
而獨舉公之言云若論一則不徒理而氣亦一也若論萬
則不徒氣萬而理亦萬也以為甚當而猶覺亦字稍未安
存謂此亦字稍未安存謂此亦字乃自夫認理氣為二者
而辨之與不徒字相應與文清之道亦器也亦道二亦字
相似非有所縫隙於其間也此理學思過半矣且夫子他
日有言曰月湖素志識求道甚懇百家之籍無所不覽而
一以六經為的於乎天子之知公如此其必有以銘之矣

瑣瑣錄

小子存其何容狀



浙江圖書館

明資政大夫南京禮部尚書晉階賢德大夫正治上
鄉沈公墓誌銘

嘉靖庚寅九月二十二日南京禮部尚書阜城沈公
卒訃至予謬司秩宗嘆曰傷哉典刑凋落鄉邦之戚
也乃為具疏陳故尚書全節而終者與祭塋如制

上優許之已而其子汝蘭持狀謁予泣而言曰微先生熟
圖吾先君不朽者敢以志銘請予與公既同鄉同朝
又雅辱公愛誼不可辭乃志而銘之志曰公諱冬魁
字伯貞號立齋又號漳厓其先吾興人也始肇迹河
間亢基覆鑠則曰景先曰泉者公祖父也皆貴贈

資政大夫南京禮部尚書大母趙母陸皆夫人蚤舉

順天繼第進士授中書舍人歷稽勲員外郎中郎擢

順天府丞起艱太常少卿轉光祿卿太常卿左副都

御史巡視河南入為工部右侍郎總理易州山廠尋

改戶部避例復為工部遷南京禮部尚書居五年政

今上嘉重之錫月廩歲役表名德優易遷也於戲今沒矣

年視耆靳三耳不忝考終矣公生而穎特甫澡髮人

見者業以非常兒六歲即能讀父書屬對應聲時

作警語衆咸異其給而能奇也隨父省墓歸安年始

十一凡道所經歷山水形勝州邑名里畧能憶誦之

父喜曰兒能若是辨乎乃使舊鄉先生學大加珍噐
其在弟彘羣課業程益弟子羣皆畏讓之未及舉而
父卒悲恚泣曰兒不能及父存就一舉邪益感憤進
業其樹志如此中書者操觚執槩閣相故刀筆畜之
公獨以材望稱人不為以字進也公為中書母陸在
都下所以致悅陸夫人者左右甚備纂修會典及
孝廟實錄成俱預有勞其為光祿貶裁浮靡供億有藝疏
節省事宜中弊反經

上曰光祿鄉議是其聽裁損焉其撫巡河南至則先條列
所欲興革摘示之河南見摘示無不帖伏以為貞都

御史云指揮石姓者素豪挾賞倚權璫為暴公發其
奸并劾權璫中石權加旨詰責甚峻公曰都御史固
知有法終不阿中旨脫有罪督捕嵩盧盜盡平之捕
鄆城盜又平之

詔曰文事有武備者乃見有沈冬魁其

賜金幣若干濠廣人煽逆西江變告公防禦繕績尤悉
中州無恐雖不遇變而策畧預遠矣易州故利府多
豪猾中官乾沒漏削侍郎至不得有所詰問或操繩
約急輒訕搆橫發公曰豈有為

天子操法明利復能顧刺上者邪竟滌理之舊常虧公帑

賄內貴積以為然公罷之自是出入羸縮廢私故稱
視山廠廡正者有沈侍郎滿九載考加俸二級

勅吏部記其勛於是

天子知公方嚮用之不欲煩以錢穀乃拜南都之命公已
絕意仕宦嘆曰吾年望懸輿乃復顧戀不能引決七
尺之軀哉乙酉䟽休丙戌又䟽丁亥又再䟽故遂不
大用家居益劇圻示垣時出俸金供具延戚舊坐花
行酒賦詩鼓琴瑟甚歡鄉人忘其為禮部尚書云性
孝友執喪中禮家故有產業城東南門內盡舉以與
弟無分也恂匕夷雅見者咸慕昵之至秉權蒞事卓

截莫可誇奪蓋其天性然沒前數日自制年譜屬子
後事吁可謂定矣配李夫人伴讀璘之女先公二年
卒子二人長汝蘭以恩補太學生次汝松德府舍人
女一人聘士人張雲騰俱出側室句氏孫男二人長
胤徽次胤熙孫女三人俱在室墓在邑城南一里以
辛卯十月二十二日歿李夫人之窀合窆焉公恭靖
不苟涖官以廉慎自將有治事才以在中書無以表
見又耻于自炫故人鮮有知之者其致仕也今司徒
梁公儉菴司馬李公遜齋皆亟口稱之方歆䟽起而
公沒矣嗚呼悲哉乃為之銘曰

有倬降靈恒嶽之精有碩誕英王國之楨薦翔鳳翥
肅乇斯在征奉常相秩貳輔于京秉礼孔臧政允明
帝曰汝賢為予中丞南河蒞止驟驥長旌爰馳爰覆于民
之寧式是南邦直哉惟清先猷是力旅又攸刑明堂
大木清廟希声言復言歸鶴馭松盟匪教其昭篤惟
令終永是德音視茲刻銘

浙江

珠玑類



浙江圖書館

南京禮部尚書謚文僖顧公墓誌銘

邑人孫承恩撰

嗚呼此先尚書東江顧公墓也公塋已二十七年矣而墓中之石尚未有文盖有待也予不佞與公有葭莩之誼往時鄉先達福建叅政薇菴任先生以學行師表一時後進有外孫女實妻公而予先大母任夫人則薇菴女也世叔親好予昔髫年隨先君宦留都公適發解先君出予見公公試予對聯喜予可教泊予承乏詞林從公後辱公引掖又先妣王夫人之塋公實銘墓則公身後之役誠莫予宜而予比歲係於職迎蒙恩賜歸家居公之冢處州府孫同

知應陽自官所遣其子承善具狀來請嗚呼予尚敢以老
憊不文辭紘謹為叙曰公諱清字士廉別號東江學者稱
為東江先生世居於華亭城南古西湖之渙曾祖文理祖
顯號遺善父瓊號可間皆隱德不仕後以公貴祖父俱贈
禮部右侍郎祖妣沈妣陸贈俱淑人公生而穎異九歲從
友蘭張先生受小學過目成誦繼受詩於經府長史怡菴
任先生一見即竒之字以甥女怡菴即薇菴孫也年十五
謁張莊簡公公以元老負重望即衣冠出見退語人曰大
器也弱冠遊縣庠與錢太史鶴洲先生福沈惟馨先生悅
交最厚奮志於孝鑽研討論廣閱

羣籍而業曰進三人者藝皆頡頏而公獨以沉實識者占
其遠到尤為篤學司馬公聖所器重每期以公輔家本儒
素值歲侵有常情所不堪者而公安貧固守有富家欲結
納公書座右曰毋徇物而為所溺毋狎物而為所乘
自少立志已如此四試不利而不少對弘治壬子吳郡王
文恪公主南畿試事閱公文曰昔歐陽子謂當讓蘓子
瞻一頭地斯人也我固當讓矣遂薦為第一輿論允愜
明年癸丑長沙李文正公主會試公名第二廷試吳文
肅公為掌卷官或欲導公往見公辭曰昔所謂呈身
者吾媿之竟不往泊吳得公卷極力贊美以九重字

失提實二甲一人改翰林庶吉士讀書中秘時傳文穆公
與李文正公宗伯程公敏政皆負文章重名慎許可公
每試必在甲乙亟加歎賞公與同年毛文簡公澄羅文
莊公欽順汪宗伯俊四人每以名節自相砥礪十月授編
修大明會典丙辰己未連同考會試稱得人戊午秋滿
進文林郎封父為編修母陸張俱為孺人癸亥正月丁
內艱三月以會典成進侍讀正德初還 朝與孝廟實錄
書妖人李孜者事焦公芳與彭文思公有隙欲誣其附
以得進貽公風聞書公云據實直書史職也他不敢與
聞焦不能效中官蔣琮誣逐台諫涉歷既久章疏雜

沓時逆瑾方熾僉畏觸其黨莫敢涉筆公潛披精核盡
載其實有婉而欲節畧者公不為動丁卯主南畿鄉試
尋克經筵講官前後進講義必稽古廉規諷時政辭肯
劉直多所裨益逆瑾竊柄朝士多屈意與交公抗不為禮
人鄉張文冕用事附和者皆至美官公絕不與通有言公肯
一刺即高位可致公叱曰吾足可輕動乎且吾但知做吾官
已遑知其他戊辰十月丁卯艱已巳五月實錄成例當進
秩瑾銜諸翰林素不加禮因矯詔追論會典南以事不諧
政事為名降編修尋調南京兵部車駕司員外會日枉憂
不赴庚午八年瑾誅還侍讀學士兼修玉牒甲戌主武

舉考試乙亥掌院詔同內閣輔臣照例考察上疏辭免
不允九月有文綺之賜丙子四月秩滿進奉直大夫加贈
父為侍讀學士母陸為宜人尋陞詹事府少詹事兼授
翰林院學士克經遼日講官丁丑主考會試防範嚴肅
校文崇雅黜浮得士為盛奉命教廣吉士陶鎔造就一時
出門下者若江右舒芬南廣倫以訓建康陳沂貴溪注
佃西安許安魯閔中馬文簡汝驥至今稱為一代之流
又嘗教內書堂不結生徒不使與子弟相接嘗曰此輩如
穢物遠之猶恐其汚况近之也餘姚謝文正公每稱其痛
事有守以此時儲位尚虛公疏請預定不報武宗數巡幸

公屢疏請迴銓言甚切是歲六月陞禮部右侍郎與宗伯毛文簡公協心秉正會郊祀且迫而駕猶未還公草疏數百言上之上亦為感動秩滿進階通議大夫贈及再世如其官蔭一孫入監讀書時宸濠既獲武宗駐蹕通州江彬在側人情洶々內閣會議疏請班師卒已武宗崩今上入繼大統復會議迎駕冊立勸進頒詔易以服臨喪葬諸吉凶大禮公援古証今折衷羣言時以公所議為得體從公居多公時奢望日起僉為旦夕爰五而有忌公欲傾之者嗾台諫據他人事証公不根特甚衆論囂然內閣亦持之不下而公從容鎮靜因詔例自引退無少需

滯一時皆為公不平王文恪公方家居因作風聞論以靈
之論一出而輿論益定于是南北臺諫程英朱光等四十
人并巡撫各上章論荐上乃起公南京禮部右侍郎公餘
既歸自喜甚適絕意仕進不謂復有簡命不得已之
任兩疏乞歸不允時望方屬公漸次柄用而公歸志已
決疏益懇是秋得俞旨有歷事先朝講讀年久多効勤
勞既病篤懇辭陞南京禮部尚書致仕先是公以進
徽魏賀表上京師至以東昌聞命有勸公謀以代進者公
曰清被皇上渥恩得遂私請今一事不終豈人臣之義乎
時已力疾猶云縱不能覲天顏得一拜闕門為幸四乃抵

德州與疾而進卒于河間府瀛海驛戊子閏十月二十九日也公疾革時知府牛天麟問以家事日無以問也吾表安在謹護之牛深嘆其忠勤始終敬畏不乱公之出處之槩如此毅齋子曰曩予嘗侍教於故文僖公京口靳戒菴先生泛論文章家而及公戒菴曰東江製作之盛不必言其經濟可重也予時嘆戒菴之服善退而求公之所謂經濟者則如狀所具論水患加稅助役諸書明暢剴切曲盡事理鑿々可行予是以益服公抱負之實可用之才若使得大柄而盡其用則建立當何如而柰之何不然也公之沒也予嘗祭以文曰名位雖顯鈞軸未歸生抱負百不一售

昌黎用而不相齟齬相而弗久及惜公之歸也云間裴丞
於綠野老溫公於獨樂泊公之復起也云泉石盟存莫過
裴丞之歆去龍蛇歲值隨嗟溫公之長逝蓋深惜公之不
盡其用而所以致公去位者豈得不痛恨于斯人哉嗚呼
公稟篤實之資厉廉靖之操尚恬淡之行持畏敬之心每
聞後世輩浮誕邪辟事輒痛詈而深斥之若不欲聞于耳
者則言者所論正公所惡而何有毫髮于公蓋有其人矣
而非公也言者不察公何如人而乃妄加之豈不寃哉而
浮言所起則必有由矣然識者豈信之泊公道昭明聖心
開悟賜環今日之論竟何如哉承善之乞銘也予適患足

疾又有倭寇之警伏暑中草綴錄念公善美叔易一二數
而獨其謂出處昭揭無疵者不可不詳是以特先致意屢
言不厭若其行誼狀所載甚悉則具采錄以盡公一生云
初公以無故去位而處之甚泰夷然無毫發怨尤感歎之
意方且建義塾以激後進緝譜牒以示族黨閉門課諸孫
學業樓居端坐終日不知有人暇則於諸親故從容詩酒
為樂直躬自信自少至老與人一以誠論事侃々不少貶
非其人不與言可與言惟恐不盡已意至立朝當事王章
國體鑿々具有根據若所著廟制服制私議諸皆可類推
平生事皆實歷其言雖數十年數不變一字凡事精思敏到

即始要終如指諸掌也恬于進取以退步為消謗忌長策
不因遲速動意最受知李文正公間嘗表于公曰請在門
下惟當退一步文正張然曰誰肯道此轉學士有沮之者
梁文康公曰他人且及渠已後若更遲之如公論何後五
年學士而亦漠然故文正有始知衣鉢是家風之句蓋其
顯貴至于膺被誣謗危禍且及而亦不動心其良度過人
遠孝友篤志祖遺善翁卒治塋經營艱苦始克畢事後每
語及輒泣下曰那得今日容易也喪事必準禮建祠堂以
子孫拜謁伏臘致敬遇忌日感泣不忍終食時物未荐不敢
治塋城日必躬詣事從女如父撫弟諸孤如子伯祖無後

衰不衰尤軫念少時事並祀友蘭怡菴二師于塾歲上元
率兩家子弟祭獻之故舊有行誼如顧東曙饋不輟至于
教子孫力田為善諄々恐後老不廢學日挾一冊以從若
飲食然治家嚴而有法雖細務皆有規畫家衆必委之生
理不使生異念嘗謂人曰人者聖賢太高故畏而不敢為
然本無異要在自立耳又言人便亨達終不可失了秀才
氣味冒勤事々必終勸之少逸即拂然曰事畢乃逸舍而
求閒祇益忙耳自今思之是皆吾輩所犯公誠前輩老成
所語皆格言也至于自奉澹薄不喜声色曰非惡之也但
竟不入耳蓋其簡澹朴實生於性成不事表暴詐偽如此

迹公為人則誣公之言豈公邪予是以重為公惜重為不
平重有憾于斯人也公少精經術多所心得其應試時義
及文場所梓程氏至今膾炙人口既出仕念民間利病莫
與疏處郡舊有至猥鎖不倫為重加纂葺遂成一代故典
松苦役稅繁重民力不堪辨証差舛搜剔蠹原當時獲免
糧數十餘萬石人至今德之晚見習借日異圖所以前修
後進者為雲間文獻集與傍秋亭日記皆未就所為古文
雅不事浮竒恠出入韓柳詩宗盛唐多思致次著號東江
家藏集四十二卷讀集五卷存稿十卷及松江府志三十二卷華亭
顧氏家譜四卷校正三事忠告周文襄公年譜俱行於世其編校許魯

齋遺書元張文忠公集未行公生于天順庚辰正月二十三
日距卒得壽六十有九配張淑人即怡菴甥有懿德載公
所有為志側室褚氏子男六人長天彛前公四年卒以子
應陽承公廕贈順天府通判娶嚴氏封太安人次天叙早
卒次天秩國子生後公二十七年卒娶李繼陸女四人皆
先卒張淑人出次夢得夢錦俱夭褚氏出孫男十八長郎
應陽由都察院檢校南京太僕寺寺丞今為處州府同知
次應寅國子生應辰廣西桂林府照磨應雲應錄應芝應
昌應明應金應泉夭女九人長適金山衛指揮同知候軋
次適按察副使張祚曾孫府學生約次適國子生范民彛

子啓高次適都事曹鏗子光祿署丞梁次適主簿董應登
 子學次適贈主事楊雲孫國子生秉介次適大理寺少卿
 董怡子國子生宜陽次適知事楊雲鶴子子貞次適按察
 副使富好禮子縣學生子仁生孫男人承慶承善俱國子
 生承餘承蔭承緒承讓承訓承曾孫女人俱適士族玄孫
 男人女人先是公嘗戒子曰吾無補于時即死慎毋陳乞
 恤典以重吾過子奉命惟謹公卒之三年督學章公哀并
 巡按魏公有本從庠校郡議奉公入祀鄉賢復疏聞于朝下部議會今
 大學士嚴公為宗伯具復得俞旨賜祭葬如制謚文僖恩禮渥矣至
 平於陰陽家方偶禁忌等頗不信每語人曰天道常與善人豈有廣布諸凶殺

不論善惡邪正槩使觸之遂降以殃禍乎必不然也人不
自力為善乃專聽信術家之言茲惑矣其守道不惑如此
今城北祥澤之地公所自卜也以嘉靖丙辰某月某日納
文隧中銘曰聖賢用世惟其具有不盡然係所遇倚歟東
江用則沛用而弗究理莫喻唯公之生實間氣峯泖之英
稟則異德學才猷人尠媿惟烏高褰驚海寓鳳閣鸞坡日
容與公有長材志經濟詞翰文章乃餘事帝曰汝賢汝予
毗朕有大柄遲汝畀公拜稽首承若懼臣供臣職敢弗至
佐貳容臺掌邦制百僚欽欽服崇議聲光昭回世傾公泰
山之雲變而對大惠旁施作甘澍飄風來泊之去生平蘊

蓄百不試惟賢知賢道相濟豈伊薰蕕不同器宣父大聖
晏嬰尼賢弗知賢命之際浚也何忌沆昂躋公弗盡用曷
所致道有通塞有明晦凝泰然見強毅日再中天廓霽曠
天者卒定群喙廢帝命再承臣敢替恩榮不虧始終義出
處大鄴公無媿完璧歸全靡瑕顙祥澤之原厥土培公歸
其中坎深邃公神豈云同物契劒氣玉光不得秘草木林
巒藉光賁我銘弗文惟直致來者有徵裨信史

南京禮部尚書午塘閔公行狀

慈谿袁煇撰

公諱如霖字師望午塘其號也公之先為汴人宋寶慶中有
將仕郎某者避兵亂徙家烏程之晟舍里將仕三傳而為
遜遜生性性生綬綬以孫莊懿公貴贈官保刑部尚書生
壽官復公曾祖也壽官生理理生蕙蕙生公理蕙皆以公
貴贈禮部侍郎妣皆贈淑人初公考贅於沈生公七年沒
沈淑人亦相繼謝世舅氏利公貲謀害之寘毒飲中公覺
幸不死乃盡棄獨跳身歸閔依從父檢校君芹檢校使受
詩塾師所接經訓微旨迎意輒解師謝不能教而去已而

補郡庠弟子員郡守萬公試其文大驚異之較於有司輒
占高等嘉靖戊子舉於鄉壬辰登進士第改庶吉士甲午
授翰林院編修丙辰奉詔充經筵展書官校錄御文并修
宋史以大慶齋御書使宗藩諸藩覬遺悉卻不受戊戌為
會試同考官尋陞右春坊右中允兼翰林院修撰癸卯主
應天鄉試甲辰復主武舉試事乙巳以校錄御文并修宋
史書成陞左春坊左諭德復奉詔纂修會典無何請告去
告滿再起遷翰林院侍讀學士尋陞太常寺卿掌國子監
祭酒事壬子拜禮部右侍郎轉左癸丑裕景二府婚禮成
上嘉勞賜表裏鈔錠是年上選天下進士若干人為庶吉

士特命公以侍郎兼翰林院學士往主教事明年改吏部
左侍郎掌詹事府供內撰文優眷方篤俄以牋疏微詿免
撰文公小心益恭上意亦釋丙辰陞南京禮部尚書明年
公上疏自陳乞罷甚力有詔許致仕歸蓋歸踰年而後卒
人莫不稱完節云公寬大溫博與人交不為畛域然亦未
嘗苟同於人歷官清華不一踐繁劇而遇事能斷在廷
諸老往往以疑事質之二府婚禮時尚書歐陽公方贊直
右侍孫公奉使在外公獨典其事斟酌損益咸當上心三
典文衡較閱精審其所獎拔往往在文藝幅尺之外應天
既撒棘有狂生某者詣公自言公令誦其文誦未畢公抽

所落卷示之機彈甚悉其人媿服而去掌國學主於嚴身
率物不為苛細六館之士至今德之及教庶吉士嘗曰朝
廷任我重矣不及時與諸君子商論國家大故使知輔養
所急顧令雕鏤文字相夸示為工邪故是科最號得人留
者皆名士云公性至孝每傷蚤孤祿不逮父母輒歔歔泣
下歲時愍忌必變服泣奠終其身未嘗替也公配黃氏封
淑人邑人黃朝宗女公未遇時能以勤儉佐公學及公顯
頌矣服飾未嘗有所增於其舊事檢校夫婦如舅如御下
嚴而有禮嘗患癰久不愈及公卒哭甚哀尋亦卒淑人一
乳二子長道孚娶吳氏以蔭補國子生次道鳴娶沈氏中

順天壬子鄉試以公命後季父如椿女三長適太學生陳履賢次適吳江邑庠生吳酉生俱淑人出次聘 大叅吳公龍子側室王氏出孫男八世譽聘 氏世寵聘鄉進士周 女世翔聘 氏世躍聘鄉進士徐 女世南聘山東提學憲副吳維嶽女世秩聘鄉進士吳承烈女世奎聘太學生嚴應鯉女世聘 氏孫女五一許工部郎中臧繼芳子一許陝西大叅姚一元子餘尚幼公之生以弘治癸亥八月二十八日其卒以嘉靖七月初四日享年五十有七黃淑人先公五年而生月日與公同後公四十日而卒今公嗣道孚將以公與淑人合葬於某原而以狀屬煇

煇追念戊戌省試出公門公所獎拔期許皆在古人之上
啣德二紀未能報稱今公之卒凡上所以灼德崇終煇幸
守禮曹皆得陪與末議惟是幽堂之刻隧首之碑例請名
筆以昭示無已而公嗣復不余鄙使為狀先之誼何以辭
謹用評隲舊行攬接遺事以存大較庶幾作者采焉

浙江

圖

資善大夫南京禮部尚書贈太子少保謚文恪孫公墓

誌銘 陸

邑人李本撰

南太宗伯季泉孫公者忠烈公之季子也其先蓋睦州人
唐後明宗時三司使諱岳者史稱廉吏卒塋餘姚燭湖之
北麓子孫因家焉傳七世至應時宋淳熙乙未進士通判
邵武軍倡道東南學者稱燭湖先生從使孔子廟而燭湖
孫氏遂之又五世至原彛為山陰教諭原彛生銳公高祖
也長長子泓貴封監察御史曾祖溥祖新皆以忠烈公推
恩贈禮部尚書曾祖妣皆夫人忠烈公配楊夫人生三子
伯堪都督同知以孝旌仲墀尚寶司卿季則公也諱陞字

志高生而穎異髻亂即嗜書日記數千言讀史至名賢傳輒以自期尤喜為古文詞年十六補邑庠弟子時伯仲兩兄既入高等皆十年以長而公名與頡頏正德己卯忠烈公撫江右死逆豪之變兄弟聞訃誓死赴讐廬墓茹素語在伯子旌孝集中御史韓君聞忠烈公三子賢一見禮重之尤獨竒公以為年少而才面試越王臺吊古文公頃刻立就數百言韓君語人曰此可與唐人滕王閣序並稱而孫季子之名動浙中嘉靖乙酉領鄉薦丁亥遊太學大司成今少師分宜嚴公及上海陸公兩試皆首選而孫季子之名動京師時伯子官錦衣迎母夫人來就養公依焉京

師士從遊者甚衆乙未舉進士當大庭之對進仁禮保邦
之說上親為批定賜以第二人及第授翰林院編修初丙
戌伯子舉武科第一至是人以文武及第為忠烈公之報
云性資純粹持重謹畏擇地而蹈曰手一帙如書生絕不與
他曹事見者皆指為公輔之器予叨詞林先于公公稍長
予兄事之蓋心所篤慕焉公嘗與修列聖御文五經二十
一史乙巳晉右春坊中允嘗與修大明會典清理軍職貼
黃丙午主南畿試事公諳於當世之故諸所供事不為哢
哢辯而思致獨遠致覈必精同事者以公可否占得失退
咸嘆服歲時詞林為會分韻倡和公多首倡或和多先成

衆隨響應詞采盈卷內江趙君贈公詩有季子文章伯王
孫忠孝家之句時以為知言己酉晉大司成力以師道自
任教先器職嘗念諸生性逸難制宜懸格使不犯乃著為
二十二條執行之雖親貴閔說弗聽至遇貧喪出粟為助
人咸德之公時蓋代予任故事太學生出諸曹歷事有序
每以閔說沮壞不便予在南太學偕綬德馬公制為出序
之令預以示人而不爭予將移令于北三月即拜簡命今
北守此十餘年屹不可變者則公定執之力也辛亥晉春
官少宗伯上崇典右文視禮官於列曹加等今傳少華亭
徐公為大宗伯而公左右之事咸得當嘗請行裕景府冠

讀禮從之壬子上命之舊卽所建元佑宮安神祭告重孝
思也公奉使惟謹有司以大臣特命乘傳供治甚具公曰
茲非赤子膏血乎悉揮去懽聲徹數千里襄鄧間黃河之
役民多菜邑道遇荷鋤者停輿問疾苦困述為古詩數章
遺守臣守臣亟下賑恤之令御史續溪胡君為鐫詩于石
曰仁人之言利自溥也癸丑竣事還改天官少宰無何以
毋憂去伯子又道喪公歸二喪執禮如喪忠烈公時廬墓
茹素足跡不履城市人罕覩其面撫按薦䟽踵至丙辰徵
為少宗伯旋改少宰公樂道人善察可用即以白太宰不
欲其人知也視金帛雖毫末若將浼己人素信之故前後

在銓曹無敢有私入一物私干一事者丁巳晉今職公之
南京跡稍遠而名益著崇敦朴之教先躬行之化䟽陳較
術業數事盡祛積弊南曹固簡逸無大艱務而公復肆力
於著作薦紳大夫南來者咸述公之德履誦公之文章以
為國家典刑後進措範庚申六月二十日病卒聞者無不
流涕子鑰等䟽請賜卹如制公全德富學平生鮮過蓋纖
無可議事父忠烈公及母楊夫人始終盡志蓋孫伯子為
之率先而公寔步趨焉公師伯兄無巨細必稟命而行坐
必侍側母夫人及伯仲兩兄遊誠勿治家慶嘗為生日詩
有楚水中天元抱恨潘輿往事又成空蓋念念不忘親也

自少至晚敬慎如有日視屋漏如明庭對妻孥如大賓教
諸子以身為訓嘗曰士立身務名節忠義立朝務正直忠
厚毋忘先烈毋墮家聲乃吾丁也故諸子仕讀書外無他
念若不知家人生殖計者孫氏雖宦族而忠烈公以清白
遺家獨貧公衣糲食淡一無所欲功名之際每退讓不敢
居交遊海內簡直寡合非其人不得親然定能容絕口不
談人短又重義好施貧賤之交後多賴公者同年翰撰韓
君早卒公為理後事撫嗣子最厚嘗白於當事立坊著名
以畢其志與華州王君友善王君以地震卒公聞之大慟
亟收其遺文叙以傳王稿多訛失惟公得其真能辨之古

曰施恩於不報公心行多類此公於六籍百家金石竹簡
之傳靡不究心為文典實有體法兩漢詩宗漢魏其為近
體法盛唐尤宗杜氏今傳詩文若干卷嗟夫德足風世言
能明志公之死而不朽者其在茲哉距生弘治辛酉三月
二十六日得年六十配韓氏山東按察司副使廉之女贈
夫人先公二十八年卒繼楊氏伊府長史應解之女封夫
人初以公少宰報政贈封皆淑人命人為宗伯且報政來
而竟爾也先是以子鏗加恩例得贈封如今稱子男五長
即鏞丙辰進士今任兵部職方司員外郎娶御史錢君應
揚女次即鏞癸丑進士今任翰林編修娶尚書魏公有本

女次鈞戊午舉人娶諭德陳君陞女次鑛官生娶侍讀胡
君正蒙女次鑲尚幼聘太保陸公炳女女一鑲予子中書
舍人兌其婚也龔鋌錦夫人出鈞鑲鑛楊夫人出鑲側室
馬氏出孫男一如法女三俱幼龔等奔訃且行而詣予泣
請曰先君卜地得燭湖之月山墓有日矣請狀予於公至
親相知厚且久狀公宜莫予若也遂撰述所聞見如右用
備碑誌作家採擇云

浙江



浙江圖書館





浙江圖書館



浙江圖書館



浙江圖書館

浙江圖書館善本


甲登記號：006665

一九 年 月 日



浙江圖書館

colorchecker CLASSIC




xrite



mm

colorchecker CLASSIC



浙江圖書館

x-rite

100mm